

Konciza raporto pri vizito da Arsène Dudouy, Franca abado, de Secqueville-en-Bessin (Calvados), unesma sekretario di USI (Uniono Sacerdotal Idista), en London, inter la 2ma e 18ma di julio 1912, dum qua il uzis nur Ido, per la servi da lokal Idisti.

(*Progreso*, numero 56, oktobro 1912, p. 498)

(extraktita ed enretigita da Gonçalo Neves)

London.

De 2 til 18 julio, S^o A. DUBOUY (de Secqueville-en-Bessin, Calvados, Francio) entraprezis vizitar London per la moyeno di Ido e la helpo di l' Idisti. Il esis tre afable e serveme acceptata da gesiori BAXTER, qui omna du parolas Ide, circonstanco tre faciliganta por stranjero. Ne nur il recevis de li omna utila informi ed indiki, ma maxim ofte akompanesis da li en lua eksursi tra l'urho. Ye la sundio 7, il pasis tre agreabla posdimezo kun plura Londonana Idisti; ica kunveno finis per komuna dineo, quan partoprenis dekdu samideani, apartenanta a quar diversa nacioni : angla, dana, germana e franca. Ido posibligis generala konversado tre vivoza. S^o Dubouy konocesjis ankore altra Idisti, inter qui S^o REEVE, quan il vizitis en Westcliff-on-Sea; il vizitis anke S^o HARDING, en Holloway. Invitita acceptar kom akompananto dum un jorno S^{inio} THOMSEN, por donar okaziono parolas Ide ad ica nova adepto, qua til lore (pro lua lojo en fora preurbo di London) nultempe konversabis kun stranjero, nek mem kun samlandani, il plezure konstatis ke del komenco, e tra la diversa cirkonstanci dil jorno, la konversado duris tre facila, sen ula nekompreno o miskompreno. Bel exemplo dil rezultajo, quan atingas de l'unesma foyo voloza diligenteso.

Retrovenante en Francio, S^o Dubouy akompanesis da S^o REEVE. Li kune pasis tre agreabla jorno en Cherbourg, che la samideani DEVANNES e FAUDEMÉR. En Secqueville-en-Bessin, li vizitesis da S^o J. GUIGNON, redaktero di l' *Anuncilo*; Ido posibligis ad ica lasta, tre kompetenta entomologiisto, beligar la promenadi tra la ruro per naraci pri l'inspektal vivmaniero, quan lu tante interesive deskriptas, o charmar la pluvoza jurni per la ludo « Go », segun la reguli editita da Profesoro Pfaundler. Anke che S^o Dubouy, S^o REEVE konocesjis S^o LEPESQUEUR, vice-prezidero di la *Societo Idista Franca*, e S^o R. COTEL, membro dil *Uniono Sacerdotal Idista*. Ni ankore mencionez vizito a D^{lo} DOUIN, sekretario di la Idista Grupo, dum la vizito di urbo Caen.

Rezume : tre agreabla voyago per Ido, ed anke voyago profitosa por Ido.

Luxemburg.

La 27 agosto, S^o H. PEUS diskursis vespere ye 8 1/2 kloki en Hotelo Brosius ; 60 personi, inter li 12 idani, audislua bela paroli pri paco ed internaciona linguo. Ye 10 kloki S^o PEUS raportis per Ido pri lua restado e pri lua sucesoza diskursi en Stockholm. Luxemburgan Idano tradukis quik omno aden germana linguo.

Pri ca kunveno aparis detaloza raporti en *Luxemburger Zeitung*, *Indépendance Luxembourgeoise* e *Volksbote*. La rezultajo di ca diskurso esas bona por nia movado en la grand-dukio, ed aparte por la societo *Progreso*. Merkurdio, la 28 agosto, S^o PEUS enga-